

趙城縣廣勝寺



讚觀世音菩薩頌

唐天石佛授記等翻經沙門慧智奉制譯

菩薩号为觀世音 神通無算難可量
 搖山竭海震大地 悲愍衆生同一體
 記憶名号福不虛 是故常應稱念彼
 我今至誠念彼德 以是敬心而讚歎
 菩薩智慧深如海 方便善權無能測
 所有諸天阿脩羅 摩睺羅伽及人衆
 咸以微妙清淨偈 歷劫讚之無懈倦
 我今宣說春陽頌 述其功德之少分
 世間形色尊嚴者 諸天莫踰於梵王
 况聖自在本色身 百千萬分不及一
 尊者首飾甚嚴好 冠以曼陀及金花
 虹蜺美麗以莊嚴 復如半月映山王
 又似百寶成須弥 尊者身相甚微妙
 猶如輕雲籠寶岳 伊尼鹿彩覆其肩
 光明晃朗普周遍 魏魏挺特若金山
 亦如滿月慶虛空 又似蒼波迦花色
 勝彼摩醯首羅身 徒以白龍為纓絡
 右手執持金蓮花 毗琉璃寶以為莖
 以慈開敷極香潔 令諸智者生愛樂
 尊手所持勝淨花 莊嚴殊妙甚暉麗

讚觀世音菩薩頌

如月光曜須弥頂 聖身所處蓮花臺
 由尊福德之所感 我以至誠懇重心
 歸命敬礼賜願者 諸天供養所讚歎
 我今淨心歸命礼 尊者螺髻玄峰色
 牟尼妙像覆其中 光明暎曜嚴尊首
 如燒珊瑚流電色 又如雌黃耀黑山
 上下莊嚴大聖身 冒敢為文稱歎彼
 四面狂象利牙齒 若人居中將被害
 其人專心念菩薩 捨離苦惱而無畏
 暴龍哮吼放煙毒 嗔瞋瞋怒厲惡色
 將噬其人甚可怖 憶念觀音便解脫
 海潮風浪出音聲 摩竭巨魚皆震激
 若人船破誤落中 念彼觀音獲安隱
 高山嶮谷懸巖裏 奔流穢石衆難處
 若人墮中無救護 心念觀音發彼岸
 烈火猛焰惡風起 延燒屋宅焚及人
 至心念彼功德藏 應時灾火不為害
 若人繫縛在牢獄 身嬰枷鎖及杻械
 至心稱念觀音故 其人須臾便解脫
 若人墮落大火坑 專志稱名觀世音
 其人除熱得清淨 猶若池中花開敷
 若人經於大林中 忽遇雷電驟風雨
 霹靂將燒極危殆 稱念觀音免灾難

若人逢值猛師子 牙爪鉅利如刀劍
 瞋目吼噬來食人 稱念觀音便免害
 惡賊突厥弼戾車 兇險無慈若羅刹
 復以鐵鎖繫縛人 稱名發念皆解脫
 深山大澤險難處 劫賊伺人拏抄奪
 稱名念力願救護 其人釋然無患苦
 呪咀譏訟擬中傷 恒以惡心求方便
 由彼常念觀音故 其人竟不能為害
 鬪戰旗鼓兩相當 鋒鏑交橫競殘刃
 此時心念及稱名 菩薩於中施無畏
 大力惡鬼執捉人 鳩般荼等飲人髓
 若能繫念觀音者 擁護其人銷疲難
 鬼病熱病腹脹病 疝病黃病心痛病
 癩病癩病霍亂病 血氣羸瘦種種病
 諸惡黑業纏其身 稱名繫念皆除愈
 有諸餓鬼腹如山 脣口乾焦飢渴惱
 菩薩見之生慈悲 次第令其得充足
 餓鬼或遭寒凍逼 身體皮肉皆破壞
 舉彼兩手生極苦 神通方便令愜適
 若金翅鳥以喙爪 搏撮水陸諸龍等
 其龍專心念菩薩 即得離苦獲安樂
 若有欲求勝果報 為馬車乘及奴婢
 衣服飲食諸珍寶 由彼常念觀音故

應其末願自然至 若有欲得長生術
 坐卧雲間恣空行 由彼常念觀音故
 當獲神呪及仙藥 我見壁畫觀音像
 遍視色相諸功德 及見神通大自在
 故起至誠而讚歎 所有一切諸功德
 於菩薩中取第一 無邊善巧大方便
 示現清淨妙色身 遠離有無諸分別
 利益無量如虛空 以此讚歎功德截
 願證如來一切智

以此讚歎觀世音菩薩功德上資
 國王聖神皇帝陛下善轉金輪色力
 壽命永無窮盡智慧果報不可思議
 恒御閻浮長居震旦擁護三寶利益
 群生一切含靈皆蒙聖福

讚觀世音菩薩頌

校勘記

- 一 底本，金藏廣勝寺本。
- 一 三一〇頁中二行「唐天后」，[資]、[磧]、[普]、[南]無；[經]、[清]作「唐」；[麗]作「唐天后代」。
- 一 三一〇頁中一〇行「我令」，諸本（不含石，下同）作「我今」。同行「春陽」，[南]、[經]、[清]作「稱陽」。
- 一 三一〇頁中一六行「輕雲」，諸本作「輕雨」。
- 一 三一〇頁下二行「至誠」，[南]、[經]、[清]作「志誠」。
- 一 三一〇頁下一四行「石衆」，[資]、[磧]、[南]、[清]作「石泉」。
- 一 三一〇頁下一五行第一二字「發」，諸本作「登」。
- 一 三一〇頁下二一行「清淨」，[磧]、[普]、[南]、[經]、[清]作「清涼」。
- 一 三一〇頁上二行第四字「噬」，諸本作「喚」。

一 三一頁上六行「無患苦」，資、磧、
普、南、徑、清作「得解脫」。

一 三一頁上九行「殘刃」，資、磧、
普、南、徑、清作「殘忍」。

一 三一頁上一九行「愠適」，資、磧、
普、南、徑、清作「温適」；麗作「温
適」。

一 三一頁中七行首字「示」，徑作
「亦」。